

參同契後序

丹經紫書行於世者多矣惟魏伯陽依金碧龍虎經託易象作參同契敷敘丹法最爲精詳呂真人之歌嘗曰金碧參同不計年妙中妙兮立中立高象先詩亦云金碧龍虎參同契留爲萬古丹中王蓋美之至也越郡舊有彭真一註本僕曩得之玩讀無慮數過而辭深義隱邈不可窺扣諸江湖學仙之流亦莫不以是病祇嘆曰道淵乎哉歲在甲辰陽月下弦日天錫緣幸獲遇抱一先生陳君於山陰之大雲明年夏五圓日再遇於在所之佑聖觀先生且語僕曰子志於道更當爲道立功吾嘗狗友人之請作參同契解一編中所著辭率皆直指漏露丹秘曾無道藏輯要

參同契
後序

六

虛集四
卷上

留機實欲開後學冥昧之途不敢爲古書幽深之語子能謀爲傳行計善行豈小哉僕既受其書篝燈靜讀立立之妙朗在目前不惟魏君本旨赫然彰明而諸經書所秘而不敢言者且昭揭於此矣卽舉手讚曰吾先生可謂慈仁之至而是書可謂讀參同契者指南也敬慕諸有緣相與而鏡之梓所冀遞相授受同志畢覽因文悟解立登真玄其或有未能盡悉淵微猶俟夫師之親指者則亦未免爲旁門邪徑殊術臆說似是而實非者亂惑也後之覽者願加之意